

元始无量度人上品妙經卷之二十八

三辰光輝保命延生品

道言昔於始青天中碧落空歌大浮黎土受元始度人无量上品元始天尊當說是經周迴十過應現諸天說此度人六周十徧无量神靈盡來集會聽法大眾咸皆濟度其經藏於高上神霄玉府宣說玉音演暢大法元始天尊自上皇開基散布真氣造立道境復於太皇之末中皇之始下於東方建通靈禁上太霞洞元之天開上皇梵飛世界運仙化飛昇之風舒飛仙洞羅之氣南方洞陽太光之天開陽明洞耀世界運赫炎朱火之風舒三天火鍊丹池之氣西方九仙梵行之天開渺行霧雲世界

道藏輯要

度人妙經

三

角集六

八七十一

運高皇大霏之風舒少陰開明運仙之氣北方陰生廣靈之天開玄滋駕光回飛世界運上極羅天之風舒真洞飛光之氣至於東北始青木皇之天開碧落空歌世界運融和九氣之風舒始陽震生之氣垂珠攝烟建法略竟元始法身示現三百六十變化大放九色神光洞照空有元始一氣敷落萬真青陽宮中寶肩聖胎三氣周流木母生火出於東鄉玉雲萬華溫明世界紫金巍闕狀如嬰童黃朱錦衣巾金帶瓊坐鎮三垣爲萬象之主膺我玉宸元皇之號現圓象於太空日月列宿儼侍左右赤景至陽爲日黃華純陰爲月八素流精爲星辰九元五章爲神靈鎮天剛之樞居三辰之上卽於太素天中景霄虛陰長樂化

境受元始度人三辰光輝保命延生之法始當詣座天真大神
上聖高尊妙行真人無鞅數眾乘空而來三素飛雲八景琅輿
華旛翠節流彩揚光五色鬱勃洞煥高虛靈霞散空三辰交映
華芒四射妙氣結形自成龍鳳甘露飄珠神煙卷縷纏綿緝靜
綱紐旋回聖真心日照達明徹山川林木互入無礙天蓋圓浮
土如碧玉無有異色列仙環侍元始天尊玄坐虛浮火玉交光
神虎之座說經一遍諸天大聖同時稱善是時太極元綱星羅
雙耀宮闕通明說經二遍景星騰光照朗太微說經三遍黃氣
陽精徊天儼空說經四遍五緯列真同會玉闕說經五遍日闕
月宮發現嘉祥說經六遍靈氣感降民獲延年說經七遍得見
道藏輯要

度人妙經

三

角集六

赤文齊修上範說經八遍執詠洞章挹景奔辰說經九遍功圓
果滿下拔幽冥說經十遍萬品化成永開生道是時一國是男
是女莫不傾心皆受護度咸得長生
道言是時元始天尊說經一遍東方無極無量品明真大神无
鞅之眾浮空而至說經二遍南方無極無量品真陽大神无鞅
之眾浮空而至說經三遍西方無極無量品太素大神无鞅之
眾浮空而至說經四遍北方無極無量品羽明大神无鞅之眾
浮空而至說經五遍東北無極無量品碧落大神无鞅之眾浮
空而至說經六遍東南無極無量品洞戶大神无鞅之眾浮空
而至說經七遍西南無極無量品飛符大神无鞅之眾浮空而

至說經八遍西北无極无量品辟非大神无鞅之眾浮空而至
說經九遍上方无極无量品青都大神无鞅之眾浮空而至說
經十遍下方无極无量品遠昌大神无鞅之眾浮空而至十遍
周竟十方无極天真大神一時同至一國男女傾心歸仰來者
各乘七耀明霞三辰寶輦無邊翺積非可禁止各見日帝月皇
列星宮殿各處世界一一宮中皆有帝尊羣臣吏民佐史國土
境域不可臆度遍計天仙高真羽蓋丹輿斑龍獅子驂駕往來
採鍊奔挹明諸上道於是元始化現妙光大若圓象乃登引天
真大神上聖高尊妙行真人十方无極至真大神无鞅數眾俱
入妙光論說三辰光輝保命延生大法示教至妙之先道非形

道藏輯要

度人妙經

三

角集六
X X X

相混成有物金水凝魂養胎宮光由神發乃立妙无上帝妙
有大帝混元大帝三帝萬變經九七六億萬之數勾陳上宮命
天皇大帝左宮命太陽尊帝右宮命太陰元君中宮命紫微北
極大帝總統二象運行五氣共領三辰幹以元斗三百六十五
度四分度之一周流六十甲子運九陽之精爲日十陰之精爲
月和合日月之精爲星辰日有九色月有十華日號九色圓象
月爲十華圓光統大道之神靈故號太一天靈之光太玄無夜
之光太蒼洞清之光綠璃赤景之光五色濯羅耀明之光白素
黃華神耀之光丹霞朱火之光太素玉華之光絳炎九微之光
光中煥然自然梵氣結成紫書瓊簡真文龍章鳳璽雲霞五篇

之象八方之氣支勢曲折隱韻垂芒作八卦之狀普濟天人救
脫眾苦日之周徑一千里日行一度月之周徑一千里晝夜平
行一十三度遲行十二度速行十四度日月合則萬物生成星
大九百里小及百里行各有次水火之度不可爲準三辰光輝
文理垂形靈書八會妙章玄圖曲素大洞知光輝之道參於風
雲氣雨玄津玉液則形神洞妙奔光曠霞引景步星則爲太上
之真人元始卽於妙光之內說經都竟眾真監度以授於我當
此之時喜慶難言法事粗悉諸天復位倏歛之間寂無遺響是
時天人遇值經法普得濟度全其本年無有中傷傾土歸仰咸
悟光明神合於光氣合於明保命不終延生無窮三辰在天眞
道藏輯要

度人妙經

三

角集六

道冥冲三辰入心飛舉成真三辰照地七寶鎮世識其道則骨
成龍文飲其光則肉化金色出入有無永斷生滅齊同慈愛異
骨成親國安民豐欣樂太平經始出教一國以道預有至心宗
奉禮敬皆得度世

道言元始天尊說經中所言並是諸天上帝內名隱韻之音亦
是日月內諱星宿之隱名也非世之常辭三辰光輝所以能保
命延生者三光之精天真之神下接人氣神氣混淪光性爲照
於人爲識識在氣存神不離根是之謂命命洞斯旨可保而有
命爲生主主在生延延生得道道妙自然上聖已成真人通玄
究微能悉其章誦之十過諸天遙唱萬帝設禮河海靜默山嶽

藏雲日月停景璇璣不行羣魔束首鬼精滅爽回屍起死白骨
成人至學之士誦之十過則真神上奔三辰接景乘駕龍車與
帝扶攜遊宴華庭屍蠹蕩滅胎穢淨明伏御地祇束縛魔靈返
老卻死還年更生輕誦此章身則被殃供養尊禮門戶興隆世
世昌熾與善因緣萬災不干神明護門斯經尊妙獨步玉京度
人无量爲萬道之宗巍巍大範德難可勝

道言凡誦是經十過則三辰之精下覆爾身心光上騰景氣冥
一始輝之童採華之女執空青之紋以招三靈之神鍊神泥丸
恍惚奔登燕觀太无諸天齊到億曾萬祖幽魂苦爽皆卽受度
上昇朱宮格皆九年受化更生得爲貴人而好學至經功滿德

道藏輯要

度人妙經

卷

角集六

就皆得神仙飛昇金闕遊宴玉京也上學之士修誦是經自然
奔辰皆卽受度飛昇南宮世人受誦則三辰光輝降流身中注
鍊形魂五臟金色面有玉光延壽長年後皆得作屍解之道魂
神暫滅不經地獄卽得返形遊行太空此經微妙普度無窮一
切天人莫不受慶無量之福生死蒙惠上天所寶不傳下世至
士齋金寶効心盟天而傳輕泄漏慢殃及九祖長役鬼官侍經
五帝玉童玉女各二十四人營衛神文保護受經者身
道言正月長齋誦詠是經日帝下觀天光接身九霞鍊骨紫氣
合神爲上世亡魂斷地逮役度上南宮七月長齋誦詠是經星
帝下觀天光接身寶霞鍊質金色化精身得神仙諸天書名黃

錄白簡削死上生十月長齋誦詠是經月帝下觀天光接身寶
霞鍊氣三光合身神奔意感萬變更生爲國王帝主君臣父子
安鎮國祚保天長存世世不絕常爲人君安鎮其方民稱太平
入節之日誦詠是經雙景朝元閉目內冥光洞天谷赤景鍊神
五星降真三辰繞身八威吐火元氣自生得爲九宮真人本命
之日誦詠是經日月燠照九元絡形朱煙飄溶使爾玄通乘龍
紫霄據斗攀魁徘徊三陽遊行三素辟試除殃入靈七政坐臥
斗中辟卻萬凶三辰光輝爲我還容魂神澄正萬氣長存不經
苦惱身有光明三界侍衛五帝司迎萬神朝禮名書上天功滿
德就飛昇上清

道藏輯要

度人妙經

卷

角集六
X夕川

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外蒼冥有青龍白虎朱雀玄武獅子白鶴羅
列左右日月照明五星交蔭洞煥室內項生圓象光映十方
如此分明密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引悉三十二過東向誦經

元始无量度人上品妙經

元始洞玄靈寶本章三辰光輝保命延生妙品十回度人三垣
隱韻變化自然大範騰輝靈光散凝真氣鴻濛混合杳冥外黃
內赤二象交并陰陽吸和天寶成文玉字五篇八方威神造化
之祖二儀之源大化玄同溟滓無垠開明三景是爲天根日月
含胞九道乃分元晶玄晶萬天化生上無復祖惟道爲身五文
開廓普植神靈光氣結縷宛轉億尋龍章虎書冥玉布金華芒
蔚構離合真精劫仞圓羅玉山蕭京上極太无混洞三清渺渺
鬱微紫蓋黃庭左日右月中有赤熒六氣交纏三光結形五帝
告符七曜玄經雲綱結帶神池育嬰中有奔景赤黑之神中有

道藏輯要

度人妙經

早

角集六
又

梵氣周回之君中有日童月女星妃之真中有鬱儀結璘壘珠
飛青耀紫之英中有挹輝採華八素之文中有赤帝黃老天魂
高奔上靈圓景方象九色霞津灌鍊五臟澡治百關迺駕龍車
上造帝軒三辰光輝保命延生回骸起死无量度人今日校錄
諸天臨軒

東方无極明真神王長生大聖无量度人

南方无極眞陽神王長生大聖无量度人

西方无極太素神王長生大聖无量度人

北方无極羽明神王長生大聖无量度人

東北无極碧落神王長生大聖无量度人

東南无極洞戶神王長生大聖无量度人
西南无極飛符神王長生大聖无量度人
西北无極辟非神王長生大聖无量度人
上方无極清都神王長生大聖无量度人
下方无極遠昌神王長生大聖无量度人

十方至真三辰光輝飛天神王長生度世无量大神並乘八素
之雲紫霞之輦洞光之輿飛龍遊鳳杳靄萬香之車金碧瓊文
之蓋神明之節鬱絕之旛前擊鳴璈節奏後吹曲素生音玄鶴
青鸞嘯歌噤噤九真啟塗十華翼轅億乘萬騎浮空而來傾光
回駕保命延生天魁內相玉輔帝靈太微司命玄合大神執錄

道藏輯要

度人妙經

聖

角集六

把籍齊到帝前隨所應度嚴校諸天高奔赤帝吸御九元五辰
協氣感接太玄光輝俯流保命億千朱景綠英颺象韜騫炎照
虹離結璘黃華刻名絳臺鍊腦飛霞坐鎮明空佩服靈篇普告
三界无極神鄉日宮月府左紀右綱九天五斗東井河源降氣
玄丹同會崑崙疾除罪簿落滅惡根不得拘留逼合鬼羣元始
符命時刻升遷三辰流火變化寒泉制魔保舉奔景成仙陰質
受鍊神光綿綿三宮極真道化玄精生身受度劫劫長存隨劫
輪轉與天齊年永度三途五苦八難超凌辰極上登三垣三垣
之天天帝紫微無色之境梵行

東方八天

三辰光輝應化之天如三奔之道上造日月宮有樓闕仙民
世界皆晶光所生

光洞極瑤天

帝越靜靈公

明梵燿白天

帝道謹觀元

玄德悅生天

帝伯茲命樓

恭紀彥張天

帝角牢同氏

妙玄九真天

帝兆育勤精

洞關采莊天

帝永幽九英

太飛玄頗天

帝定正常無

冥窮漏度天

帝棘茲莊攸

道藏輯要

度人妙經

聖

卷六

南方八天

九道淵魚天

帝日觀浮都

林元允風天

帝僑平子虛

化淨寂夷天

帝還寶阿婁

梵雲深玄天

帝憫江幽升

成德寶氣天

帝順護彥邱

靜正霄敷天

帝洞真端堯

升降治臻天

帝卿度司兵

清眞紫虛天

帝奉貫治王

西方八天

混合寶真天

帝太素京

保印又玄天

帝刹陀奚

洪拱祖秀天

帝度仙元尊

列辰九師天

帝皇因太微

虛明光无天

帝做冥氣玄

韓司明禁天

帝華屢真機

流精瓊球天

帝博洞備符

神龍變至天

帝玉清監真

北方八天

變度化真天

帝求何普林

道藏輯要

度人妙經

聖

角集六
川又三

空梵影藏天

帝覺仙蕩如

風元易氣天

帝鄙遲忽俞

臨山降仙天

帝斗魁玉宸

集慶蒼室天

帝覩多沙留

朝燕猛部天

帝泰師宣遐

劫仞吉明天

帝洞演務陂

相夔島正天

帝郝陂山尊

三十二天三十二帝諸天隱諱諸天隱名天中空洞自然靈章

諸天隱韻天中之音天中之尊天中之神天中大魔天中之靈

九芒十華變化上清无量之奧深不可詳敷落神真普度天人

今日欣慶受度歷關諸天朝引辰光顧儀眇璘台元寫網絳絃
採玉月液裁防五星轉珠落落明堂飛神九宮存曠太陽光輝
炫晃無拘天門東斗青房西斗玉闕北斗紫戶南斗玄丹中斗
黃庭合會飛仙口吐青氣錫祚萬年青帝拘魂白帝制魄赤帝
火垢黑帝蕩孽黃帝召魔萬妖伏滅青華神王木景含元赤華
神王執憲句天白華神王徊風絳烟黑華神王飛童飲立黃華
神王光耀三垣五華奔龍萬神之宗飛行鼓從總領天兵麾幢
鼓節遊觀太空流精赫奕與道俱隆上天度人金虎玉龍浩風
攝氣辰極鍊容英秀鳳羅保命無終五老持符太一鳴鐘速召
萬神降光闕宮洗滌陰愆書紀立功掃除不祥斬滅姦凶猛馬

道藏輯要

度人妙經

畧

角集六
X上

吐火金鏡前衝風雷巨霹電激四飛疾行帝命引挹光輝劫往
方嬰生無凋摧三奔曠華碧落同歸單青羽裙封山校精三官
北酈明檢鬼營不得容隱金馬驛呈普告無窮萬神咸聽三界
五帝列言上清

混洞九光玉輪十芒流珠曲直落落四張化行祖氣道之至精
精漸泮霞寶斡旋回符圖龍書勢合交開鳳氣蟠丹仙雲偃芝
嶽蹠卷玉赤曜吐奇太上靈篇保命正文三辰光輝凝化自然
上極圓蓋帝變億千周流化氣肇生三垣幽冥虛曠無極無窮
溟滓大梵遼廓沖融神景炯爍梵氣淵旋妙液滋感恍惚變仙
升降黃赤遊宴上清元綱流演五十二天輪轉星羅周回十方

旋角度婁開生五常三十五分總氣上亥八景冥合氣入亥亥
之羅發光光神自生神曰赤皇五帝夫人洞關九門白華隱存
執把洞章召降天元紫虛鬱秀輔翼萬仙千和萬合自然成真
真中有神天皇帝君太微北極天市亥宮曰皇月耀總主星辰
金霞朱芒保命延生上極上清出入黃房八冥之內細微之中
下鎮人身泥丸絳宮四目密招炎光寶龍中理五氣混合百神
甲爲陽日之始壬爲陽日之終庚爲陰月之始申爲陰月之終
角爲星舍之始壁爲星舍之終黃赤黑白三辰之迹獨立周行
亥沒子生十轉回靈萬氣齊仙仙道貴生光輝度人經歷八門
飛天法輪奔引感接赤鏡左旋普受開度死魂生身身得受生
道藏輯要

度人妙經

聖

角集六
川上又

上聞諸天諸天之上各有生門中有三辰空洞之章上帝靈篇

辭參高真

第一赤景奔日之音

賜谷金城

昇彼扶桑

巨光萬里

洞照十方

珠景外圓

中藏藥淵

五帝絳闕

瓊池碧蓮

青紫白黃

丹氣綿綿

下流爾身

錫以長年

騫林八羅

雲騰玉芝

散布百神

精台二儀

陽燧九龍駕

天馬奔高風

光老降華芒

飛昇日帝宮

錫爾洞元章

上清爲眞公

第二黃華奔月之章

月精綠羅

結璘化光

中有大神

號曰素皇

浩蕩流軒

杳不可量

珠宮玉府

寶閣琳房

攝御神氣

總統元綱

羽儀騰飛

車駕十龍

潢波崑崙

高峙玄峯

交會祥源

降我皓童

泛霞注碧虛

逍遙步靈風

採精挹華芒

下眇太無中

注爾長生籙

大惠永沖融

道藏輯要

度人妙經

巽

角集六
川乃

第三八素奔辰之歌

萬象布洪綱

三垣主神靈

嚴嚴天中尊

斗極運飛輪

紫微上帝君

元皇之化身

二景輔玄造

五曜施天經

大化積所變

黃氣騰陽精

九天降沖妙

太霄羅七眞

賜谷浮鬱微

臺聖度西崑

大慈虛皇帝

化此開生門

黃旛召天魔

列眞趣大明

六氣相纏結

萬彙保生成

皇極旣以立

二道當順行

八素下禹餘

天民奔五辰

齊修正元道

飛神登玉京

此三辰之上飛空之中天真歌音參洞章誦之百遍名度南宮誦之千徧天真下迎萬徧道備飛昇太空過度三界位登仙公有閻靈音魔王敬形勅制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂无量普度无窮有祕上天文諸天其所崇泄慢墮地獄禍及七祖翁

道言此二章並是諸天上帝三辰天真隱祕之音皆是大梵之言非世上常辭挹輝引景降致天光通玄變仙故謂玄奧難可尋詳上天所寶祕於神霄玉府東藏依科格三萬七千年應運下傳若有至人齋金寶質心依舊格告盟十天然後而付焉

道言夫三辰光輝寂無虧蝕天運周行豈有否終月與日同道

道藏輯要

度人妙經

三

角集六

則陰侵陽以掩其光日與月同道則陽蔽陰而掩其華氣望而掩之三辰未嘗損也爲天地之至精爾能採其光華則爲上清之真秉策於玄臺故運度虧盈人有休否至於疾傷存真吸光按摩疾所或思握日月手把星綱坐致神仙保命無老齊心修齋六時行香十徧轉經福德立降消諸不祥无量之文普度无窮

道言夫三辰光輝保命延生九色神光鍊骨灌心陽精合氣仙化通神或存三景於泥丸洞煥於六合之府併照洞房含芒嚙液上爲高真而未學道淺或仙品未充運謝太陽身經太陰臥形五斗運應滅度臨過之時同學至人爲其行香誦經十過以

度屍形如法魂神經上南宮隨其學功計日而得更生輪轉不
惑使得神仙

道言三辰爲上道之宗萬象賴之以生仙聖因之而成仰其威
神可以制伏六天魔鬼滅形引其光則遍徹幽關滌蕩胞胎屍
血消散七世解仇吸其華則體有金色面流玉光位登太微神
昇景霄光輝吐秀則萬藥凝丹方寸萃寶飛晶接魂控辰紫庭
浮駕上清遊宴玉京也天地運終星宿錯度日月失昏四時失
度境土有災兵氣時見疫毒流行兆民死傷師友命過皆當修
齋行香誦經夫齋戒誦經功德甚重上消天災保鎮帝王下禳
毒害以度兆民生死受賴其福難勝故曰无量普度天人

道藏輯要

度人妙經

哭

角集六

道言凡有是經恭信之者三辰光輝下映爾身外辟不祥內拘
神魂遷度幽爽使覩天英魄鍊屍滅保命延生上爲天地帝主
兆民行是功德有災之日發心修齋燒香誦經十過皆諸天記
名萬神侍衛右別至人尅得爲聖君金闕之臣諸天記人功過
毫分無失天中魔王亦保舉爾身得道者乃當洞明至言也
諸天中三辰光輝大梵隱語无量音 道君撰
太上三坦保命延生玉篇

東方八天

祝虛球圖

布遠孕諸

影羅龍浦

光神司璘

眈微昭麓

青瑤暨蟻

整震輅微

玄离堪池

道極霜衰

珏井仇聯

大宛阿柏

珍天玄仙

須華飛何

楚渺那輶

元碧洞空

瑛瑤曇多

南方八天

魄耀曇明

嶽泥通靈

玉岬醜火

迷師鮮崙

南澤雲靈

亶稼答無

惡陀珉竺

廓奕嬰犢

圈天山機

琚鎮浮羅

馘魔權漠

意迅心和

罔墜俟昔

紛統烟遶

梵由明緣

道藏輯要

度人妙經

冕

角集六
1106

法易玻鄒

西方八天

闔浮玉岳

頽呂總監

无玄鏡卽

鋤暮忱炎

廓靈台北

防斗德銜

華舊由黎

辨部平漂

紫巒儼論

謹邈馥芬

巴靜戶夾

池演將奔

於闐藪藏

帝伯幾魂

冶覩騫都

陳漠卑孫

北方八天

玄宥猷度

澄璠廉關

鄭紇巫萍

茲槎雲庭

金太越還

羅澤祺詩

薄好率藉

汶定淵恢

周盟革鏐

岵栗題營

轉化學窈

變冥祠丁

資靈攝京

和時莽桃

寶窀辨育

邈頗何枚

道言此諸天中大梵隱語无量之音招三辰之光輝引九天之
 眞氣清詠佩闕天真下迎舊文自然梵氣生於三辰之宮以制
 三界大小之殃水火之變天真皇人刻題日月中及大宿星次
 以禳厄會斷絕否塞增駐運度有識其文勅制鬼神役使六丁
 保命延生與空傳靈字方廣一丈八角書形佩服朱綱玉策紀
 道藏輯要

度人妙經

辛

角集六

川一又

名有知其音能齋而誦之者諸天皆遣飛天神王下觀其身書
 其功勤上奏諸天萬神朝禮地祇侍門大勳魔王保舉上眞道
 備尅得遊行三界升入金門此音無所不辟無所不禳無所不
 度無所不成天真自然之音也故誦之三辰降光九霞攝氣化
 鍊凡路祖考同僊頂生金華相具瓊顏壽等圓輝得道自然飛
 天下觀上帝遙唱萬神朝禮三界侍軒羣祇束首鬼精自亡琳
 琅振響十方肅清河海靜默山嶽吞煙萬靈振伏招集羣仙天
 無氛穢地無祲塵冥慧洞清大量玄玄也